



Minggu, 09 Juni 2024

Ogen : 1 Raja-raja 16:29-33



Ndehara Raja Ahap



Isabel, sekalak ndehara raja si cukup terkenal e me Raja Ahap. Ia itandai kalak labo erkiteken kiniulinna tapi erkiteken melala kal si la mehuli ilakokenna. Arah kegeluhen ras perbahanenna pe kita banci erlajar nambahi pemeteh ras biak si apai si man tadingenken i bas geluhta. Sipemena sigargari me kerna ise kin ia? Bapana gelarna Etbaal i Sidon nari. Arah gelar orang tuana enda enggo me nuriken kegeluhenna. "Baal" e me sembaha-sembahen entah dibata-dibata sideban labo Dibata si isemban bangsa Israel. Kata enda ijadiken jadi gelar bapa Isabel guna nuriken ise ia situhuna, e me anak sinambah man dibata-dibata si labo Dibata bangsa Israel. Kegeluhen Raja Ahab, kegeluhen si meluat. Erdosa ia man Tuhan lebih asangken dosa-dosa si ilakoken raja-raja si leben asangken ia. La akapna cukup dosa-dosa siibahanna e, e maka iempoina anak raja Etbaal sitergelar Isabel. (Aturen si lit i tengah-tengah bangsa Israel e me la banci erjabu ras bangsa sideban, sabap perjabun ebahanca bangsa Israel lanai nambah man Dibata). Perjabun enda erbahanca dosa Ahab si ndube reh belinna. Siakui maka ndehara e me sindeherna ras perbulangen. Sindeher ras perbulangen mereken ngaruh si cukup mbelin pe. E maka la banci lang kegeluhen raja Ahap pe reh dauhna ras Dibata si isemban nini-nini bangsa Israel. Ndehara raja, ndehara penguasa, i bas ia lit kuasa nandangi kalak siipinpinna. Ia me ratu i tengah-tengah bangsa Israel tupung si e. Adi pinpinen patuh man Tuhan maka rikut-ikut pe rakyat patuh man Tuhan, tapi kune pinpinen la malang man Tuhan e maka rakyat pe ikut maba beratna. Isabel jadi bangsa Israel tapi labo nambah man Dibata Israel erkiteken perbulanggenna pe labo mabai ia nambah man Dibatana.

Mayoritas moria e me ndehara. Kegeluhen perbulangen mereken ngaruh si mbelin i bas kegeluhen. Selaku sekalak ndehara niarapken banci ncidahkan biak si maba kiniulin ku sekelewet. Kita me penampat man perbulangen. Kune lit si idah la mehuli, mari bereken ngaruh ku perbulangen segelah sembaba gelar ni baba ras pengkebet geluh.

☞ *"Latar belakang kegeluhen mereken ngaruh ku wari-wari si reh"*

